



**PARTIDO MEP LO SIGUI TRAHA PA
ENGRANDECE
DEPORTE Y STIMULA E MOVECION
PA UNCOMUNIDAD CU MENTE Y
CURPA SANO**



WWW.SOLODIPUEBLO.COM



SOLODIPUEBLO@GMAIL.COM

TIN PRESEDENT: POSIBEL MOCION CONTRA ENDY LO KEDA SIN EFECTO

Opositornan politico no sa mas con pa purba destrosa Partido MEP. Despues cu nan a haya nan gana cu Edgard Vrolijk, awor e sed pa bebe sanger di MEP a sigui crece. Awor ta Endy Croes ta na turno, pa show y spektakel. Speed cu Patrick Paskel ta vocero di e conspiracion, pa asina haci wega politico. Politiconan nobato cu no tin experiencia, ta cay den nan wega.

Loke mester keda bon cla ta cu un mocion contra Endy Croes lo keda sin efecto, pasobra ya tin presedent caba den pasado. Un situacion similar cu a presenta a laga un mocion similar 'zonder effect'. Bottomline ta: Bo no por retira un Minister dos ves. Kico te obhetivo? Si nan a kere cu nan lo kibra Endy, mester adverti nan cu tipo di wega sushi nan asina, tin mas chens pa crece Endy Croes

SEÑORA JURIMA BRYSON A HURAMENTA COMO E PROME OMBUDSMAN DI PAIS ARUBA



CASA DI UN POLITICO A AGREDI HOMBER BRUTALMENTE

Recientemente a sosode un caso masha lamentabel. Un casa di un politico a a bira monster ora el'a agredi malamente un ciudadano. Ta un hecho masha di lamenta y principalmente cu bo ta pareha di un politico, pa bo ta cana ta bati hende. E noticia aki lo sigui.

S.V. BUBALI TA CELEBRANDO 81 AÑA DI EXISTENCIA E AÑA AKI



DESVELO DI POTRET NOBO DI REY WILLEM ALEXANDER



Den Haag – Na Galeria De Twee Pauwen na Den Haag a tuma lugar un recepcion na ocasion di e desvela di un potret nobo di Rey

Willem Alexander pa e Palacio di Gobernador di Curaçao. Entre e invitadonan tabata presente Gobernador di

Sint-Maarten Ajamu Baly, Minister Plenipotenciario di Sint-Maarten drs. Gracita Arrindell, Minister Plenipotenciario di Curaçao Carlson Manuel, Minister Plenipotenciario di Aruba mr. Ady Thijsen y miembro di Eerste Kamer Paul Rosenmöller.



E desvelo di e pintura a wordo haci pa Gobernador di Curaçao Lucille George-Wout y e artista di potret Karel Buskes. E desvelo oficial lo tuma lugar riba

15 di December na Curaçao na ocasion cu e Palacio di Gobernador ta habri pa publico den cuadro di 70 aña di Statuut di Reino

Hulandes. Nota pa redaccion: E potretnan ta cortesia di Arubahuis

Minister Endy Croes:

S.V. BUBALI TA CELEBRANDO 81 AÑA DI EXISTENCIA E AÑA AKI

Pronto e veld di Bubali lo haya un turf.

Diabierna anochi, Minister Endy Croes hunto cu Colega Minister Dangui Oduber a acudi na e celebracion di Bubali Sport Club cu a cumpli 81 aña dia 24 di september ultimo. Durante e ceremonia oficial a tuma lugar inauguracion di e luznan di S.V. Bubali y a duna reconocimiento di Premio Maximo Max Wolff na e baluartenan di e club.

Durante e acto oficial Fundacion Bubali Sport Complex a otorga e proyecto di LED Lights na S.V. Bubali. Minister Endy Croes a hiba palabra y comparti e grato noticia cu e veld di Bubali ta un di e shete (7) veldnan cu lo haya un turf. E proyecto aki lo eleva e nivel di futbol

aki na Aruba. Den luna di october ta firma un acuerdo pa e proyecto aki cu lo inicia comienso di aña 2025. Minister Endy Croes y Minister Dangui Oduber tabatin e honor pa cende e luznan di e veld.

Despues a sigui cu e weganan di fogueo di damas di S.V. Bubali U17 contra S.V. Britannia U17 y S.V. Bubali Division 1 cu a hunga contra di S.V. Bubali 35 plus. Por ultimo, Minister di Deporte ta felicita y gradici tur fanatico, hungado, coach, leidster, boluntario, directiva y miembro di S.V. Bubali. “Di curason danki pa contribui y engrandec e deporte di futbol di Pais Aruba”, Minister Endy Croes a finalisa.



OPOSICION TA HACI WEGA: TA CONSPIRA PA PASA MINISTER ENDY CROES UN MOCION DI DESCONFIANSIA

Mocion di un parlamento disolvi no tin efecto

E partidonan di oposicion, cu sosten di e partido RAIZ, ta trata di organiza un mocion di desconfiansa contra e minister di Deporte, Endy Croes, cu ta pertenece na e partido di mas grandi, MEP.

E hecho cu parlamento a wordo desolvi, unda nan a keda sin efecto, ta trese hopi duda riba e capacidad legal di e parlamento pa hasi esaki.

Mas aun cu esaki no ta algo nobo den e historia politico di Aruba. Na 1988, durante un situacion similar caminda tabatin mocion di desconfiansa contra un minister, e gobernador di e tempo ey a splica cu un parlamento disolvi no tin autoridad pa pasa mocion di e indol aki.

E motibo ta cu una bes cu e parlamento ta

disolvi, e ta perde su posibilidad pa haci tal, ya cu e minister ta demisionario y por atende solamente cu asuntunan diario y no por tuma decisionnan di mas peso.

E precedent aki ta pone un duda grandi riba e valides di e mocion cu ta trata di ser pasa awor. E echo cu oposicion ta sigui bay dilanti cu e plan aki, a keda mira pa algun analisista manera un “wega político” contra MEP cu ta keda na poder como e forsa dominante den e gobierno.

E situacion mas remarcabel di tur ta e papel di e partido RAIZ, cu aunke den parlamento nan ta intenta pa buska un mayoria di 11 asiento, nan ta conta cu dos minister den den gobierbo.

E tipo di strategia aki a ser deskribi pa algun

experto politico manera un aktitud inusual, cu ta indica cu RAIZ ta, den sierto grado, “reinventa e wiel” cu strategia no convencional den e panorama politico di Aruba.

Si di berdad e mocion concretisa, ta keda pa wak si e gobernador lo honre of lo bahe di mesa manera na 1988 unda un mocion similar a keda sin efecto, ya cu Gobernador a considere incorrecto pa baha un minister cu ya a entrega retiro.

Di otro banda no por descarta cu e wega politico aki lo por sali na beneficio di Minister Endy Croes, cu den proximo eleccion lo por wordo compensa cu voto popular, sosteniendo su trabao eherci como minister.

Minister Geoffrey Wever

‘GROUND-BREAKING’ PROYECTO REVITALISACION DI ORANJESTAD FASE 3 A INICIA DEN AREA DI LAGOEN

Aunke gabinete ta demisionario, tin trabounan cu a ser prepara pa Ministerio di Asuntonan Economico y awo ta den pleno ehecucion. Asina tambe diamars 1 di october a inicia cu e ‘ground-breaking’ di fase 3 di Revitalisacion di Oranjestad, den e area di Lagoen. Minister Geoffrey Wever tabata presente hunto cu representantenan di DOW, N.V. ELMAR, Aruparking y tambe e contratista AWM.

E proyecto aki ta tumando lugar na altura di Irenestraat y Caya Mario E. Harms y lo encera renobacion di e area completo, caminda lo tin expansion di parkeo y ‘taxi standplaats’, mas iluminacion, y tambe introduccion di ‘laadpalen’ - stacionnan di recarga pa autonan electrico.

E ‘charging station’ nobo aki lo duna posibilidad pa 4 auto electrico carga simultaneamente. Un servicio adicional cu a bira posibel cu e cooperacion di N.V. ELMAR y tambe Aruparking. E proyecto aki ta proyecta pa

ser entrega den e prome siman di december proximo y ta parti di e esfuerso holistico di mantencion y revitalisacion di Oranjestad - un di e prioridadnan di ministerio di asuntonan economico y minister Geoffrey Wever.

‘Esaki ta un otro muestra cu gobierno di Aruba ta inverti, aunke cu recursonan limita, pa atende cu e mehoracionnan necesario y tambe accesibilidad di e area na un forma estructura, strategico y responsabel’. Aunke Gabinete Wever-Croes II ta demisionario, ehecucion di nos plan di Revitalisacion di nos centro di ciudad ta sigui”, segun minister Wever.

A finalisa cu e parti de embeyecemento di Wilhelminastraat fase 1 & 2, e renovacion di Cas Veneranda tambe ta avansando segun plan, cumpliendo cu esfuersonan pa trece mas departamento di gobierno bek den nos centro di ciudad. Awor ta sigui cu fase 3 den e area di Wilhelminastraat - den area di Lagoen



- pa sostene inversionnan priva ya caba haci y tambe esnan cu ta plania pa cuminsa den e area. Tur esaki ta sostene tambe e vision di clasifica Oranjestad como un ciudad culinario.

‘Tur esakinan ta trabounan necesario pa crea mas seguridad, accesibilidad y mantene e zjeito natural di nos centro di ciudad. Mas trafico, peaton y rendibilidad comercial ta finalmente nos meta final’, segun e mandatario.

Parlamentario Hendrik Tevreden, lider di Fraccion di MEP:

DI NINGUN MANERA TA SOSTENE LOCUAL A CANA ROBES DEN SSA

ORANJESTAD, Aruba 29 di september 2024: Den un declaracion fuerte, lider di fraccion di MEP den Parlamento, Hendrik Tevreden, a trece dilanti cu Fraccion di MEP, di ningun manera ta sostene e posibel acto di malversacion cu a surgi den Stichting Sports Subsidie Aruba (SSA).

Tevreden a referi na e investigacion cu ta tumando luga despues cu a surgi indicacionnan di irregularidad den maneho

di fondo di SSA.

Segun Tevreden, e posicion di su fraccion ta di cero tolerancia pa corrupcion y mal maneho di fondonan publico, sin importa ken ta involvi.

"Integridad y transparencia ta fundamental. Di ningun manera lo defende ni ta proteha ningun persona cu ta kibra e regla aki, y nos ta remarca cu si tin malversacion, e persona involvi lo mester carga e consecuencia legal," a

señala Tevreden.

E lider di Fraccion di MEP a enfatisa cu Gabinete Wever-Croes II ta pone integridad na un lugar prominente den su maneho. "E posibel acto di malversacion ta un situacion lamentabel, pero nos ta laga sa cu si algo a cana robes den SSA, lo tin un proceso legal pa atende e responsabel," Tevreden a bisa.

Tevreden ta boga pa un investigacion husto y transparente, pa asina e sistema di husticia por cumpli cu su deber na un manera corecto.

"E personanan cu a kibra e confiansa di nan organisacion di cual hopi persona den nos comunidad ta depende di dje, ta trece un mancha y bruhamiento grandi den e sistema y nos no ta defende esey. Nos ta confia cu husticia lo prevalece, y



cu lo sali mas claridad riba e sucedido aki pronto" e lider di fraccion di MEP a conclui.

Parlamentario Marco Berlis (MEP):

LEY DI INICIATIVA PA PROTECCION CONTRA ABUSO DI NOS MUCHANAN

Parlamentario Marco Berlis ta finalizando un ley crucial cu tin como meta pa proteha nos muchanan. E ley nobo aki ta enfoca riba limita e introduccion di loke ta wordo considera como "ideologia di genero" den scolnan, cu e meta di preveni exposicion prematuro na conceptonan compleho y potencialmente confuso pa muchanan.

E ley proponi tin como meta pa:

1. Regula e contenido di lesnan relaciona cu topico di genero y sexualidad;
2. Duna mayornan mas control riba e tipo di informacion cu nan yiunan ta ricibi tocante e temanan aki;
3. Asegura cu e material educativo ta apropiado pa e edad di e studiantenan;
4. Proteha e muchanan di abuso emocional;

5. Proteha nos muchanan di estimulacion sexual inapropia.

Berlis ta argumenta cu muchanan chikito no tin e madures necesario pa procesa cierto conceptonan compleho tocante identidad y sexualidad. E ta enfatisa cu e rol principal di educacion ta pa prepara studiantenan pa nan futuro profesion, mientras cu temanan mas sensitivo mester keda den man di mayornan.

E impacto di e ley aki

Introduccion di e ley aki lo tin un impacto significante riba nos comunidad. E ley aki lo por:

- Fortalece e rol di famia den e educacion moral di muchanan.
- Protege e inocencia di hobennan.
- Mantene e balornan tradicional di nos sociedad.

Berlis ta subraya cu e ley aki ta un

esfuerzo pa balansa e derecho di mayornan cu e necesidad di un educacion completo. E ta enfatisa cu e gran mayoria di Aruba ta fiel na su balornan y normanan tradicional, incluyendo e importancia di famia, matrimonio y fe religioso. Segun Berlis, paisnan cu ta mantene balornan familiar fuerte generalmente ta score mihor den rapportnan internacional tocante estabilidad social y bienestar di mucha.

E parlamentario ta aplaudi e esfuersonan di Gabinete Wever-Croes pa cu su logronan pa combati abuso di mucha y ta mira e ley aki como un extension di e lucha ey. E ta argumenta cu expone muchanan na material sexual of di genero inapropiado pa nan edad por wordo considera como un forma di abuso emocional. Cu e introduccion



di e ley aki, Berlis ta spera di fortifica e fundeshi moral di nos sociedad, protehando e inocencia di nos hobennan mientras ainda ta prepara nan pa e mundo moderno. E ta invita tur ciudadano pa apoya e iniciativa aki, mirando esaki como un paso importante pa preserva nos balornan Arubiano.

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

Prome Minister Evelyn Wever-Croes: Durante un recepcion ameno, **PROME MINISTER A DUNA BONBINI NA E MIEMBRO NOBO PA ARUBA DEN CAFT Y A GRADICI MIEMBRO SALIENTE**

Miembro nobo pa CAft ta haya Aruba den un transformacion financiero positivo compara cu deficit grandi na aña 2018



Dialuna 30 di september a tuma lug a un recepcion na Aruba Surfside Marina pa duna bonbini na e miembro nobo pa Aruba den CAft, señor Marion Agunbero y dispidi di e miembro saliente señora Hellen van der Wal. A trata di un anochi ameno unda Prome Minister Evelyn Wever-Croes a duna un discurso contando un tiki di e historia y carera di e dos miembronan.

Señora Hellen van der Wal tin un historia amplio den e aparato gubernamental di Aruba. Entre otro, señora van der Wal a traha cu Raad van Advies y tin conocimiento amplio di e situacion financiero y procesonan di presupuesto di Aruba. Socialmente, señora Van der Wal tawata hopi activo tambe den comunidad y entre otro ta co-fundador di Telefon pa Hubentud.

Señor Marion Agunbero ta e miembro nobo pa Aruba den e Colegio di

Supervision Financiero pa Aruba (CAft) desde 1 di augustus 2024. Consejo di Minister di Reino a aproba riba dia 21 di juni 2024 e proposicion di Aruba pa nombra señor Agunbero como e miembro nobo. Señor Agunbero tin experiencia amplio den e sector financiero y a ocupa diferente funcionnan na entre otro Banco Central, entre otro como manager seccion di supervision y tambe na Departamento di Finanzas, como director. E tabata director ehecutivo di e fondo di pension den e sector di turismo di Aruba y a ocupa diferente posicionnan na Caribbean Mercantile Bank NV., entre otro como Assistant Managing Director Retail Products.

Prome Minister a menciona cu esakinan ta caracteristanan y experiencia cu Gobierno di Aruba ta busca awor den e miembro di CAft ya cu Aruba ta bibando otro

tempo compara cu ora señora Van der Wal tawata miembro pa Aruba. E ley cu na e momento aki Aruba ta trahando cu ne a wordo traha desde e tempo ey na 2018, pero mester sigui atene na dj'e, a pesar cu awor Aruba ta den un situacion hopi miho. Na aña 2018, tempo cu señora van der Wal a bira miembro, pais Aruba tawatin un deficit financiero grandi y un debe nacional hopi halto. Actualmente Aruba a pasa den un transformacion financiero grandi y tin surplus financiero y e debe nacional ta bahando



rapidamente.

Na final di e discurso Prome Minister a menciona cu ta un honor pa Gobierno di Aruba di por presenta e miembro nobo señor Marion Agunbero. Y den number di Gobierno di

Aruba, e mandatario a gradici señora Hellen van der Wal pa e bon trabou cu el a haci como miembro den CAft den number di pais Aruba, y a desea señor Agunbero hopi exito den su funcion nobo.

NOTIFICACION TOCANTE DECISION DI CORTE:

Por medio di esaki ta notifica cu corte a tuma e siguiente decision durante e sesion di 17 di september 2024:

Señora **Maria Rafini** a keda kita for di su funcion di curator di señor **Everardo Tromp**, naci dia 3 di november 1934 na Aruba, pa decision di corte.

E decision aki a wordo tuma pa huez **J.M.J. Keltjens** na precencia di secretaria di corte.

DOBEL CELEBRACION PE TREMENDO TEAMPLAYER DI WONDPOLI

Cindy Martinus ta HOH su empleado di luna di september



E dia cu ela haci aña y tabatin liber a pidi'e pasa Hospital pa un reunion importante. Cindy Martinus no a duda y a schedule tempo pa toch e pasa. E no a sospecha nada ora ela drenta pues un momento inolvidabel cu net riba su cumpleaños e ta topa cu su famia y amiganan na su departamento hunto cu miembronan di Hunta di Directiva y coleganan. Ela keda masha sorprendi y hopi contento di tende cu ela wordo nomina pa

ta e empleado di luna di september 2024. Un gran sorpresa di tende for di presidente di Hunta di Directiva Jacco Vroegop mes, cu nan ta masha agradecido y contento cu tur e trabou cu e ta eherce.

Na februari aña pasa Cindy a cuminsa traha na wondpoli y di biaha a ripara cu e ta tremendo den ehecuto su trabou y cu ela adapta di biaha na su team manera ta parce cu e tin hopi aña caba trahando cu nan. E ta semper cla y

dispuesto pa yuda cualkier caminda y no ta importa si ta colega, pashent of bishitante. E ta siña lihe y ta gusta educa su mes pa optimalisa cualkier di su tareanan diario.

E tin hopi comprension pe pashentnan y ta organisa y regla nan asuntonan di biaha. E tin bon comunicacion cu e companianan di transporte pe pashent. Pero tambe e ta comunica tremendo cu dokter, colega y e pashent mes unda cu su follow-up semper t'ey. Su cariño y stem suave nunca falta y sigur e sonrisa ta

alegra e dia di un y tur cu t'ey. E ta un persona positivo cu tur hende por yega facil na dje y cu tin un actitud enfoca riba resolve problema.

Cindy ta un colega profesional, tin un bon humor y ta amabel cu tur

hende. Cindy a demostra di ta un super trahado for di comienso y cu su coleganan ta spera e keda cu nan pa hopi tempo. Team completo di HOH ta contento cu Cindy t'ey den e team. Masha pabien Cindy!

Clasificados

SOLO Di Pueblo

CEL. 585 9500

SOLO Di Pueblo

Partido MEP: PARTIDO MEP TA LANSA PROME CANDIDATO NOBO

Y ta yama bon bini na Erwin 'Wino' Lopez na e gran famia di MEP



Dialuna atardi 30 di september na Cede di MEP na Santa Cruz, Partido MEP a lansa e prome candidato nobo riba e lista victorioso pa Eleccion 2024 cu lo tuma lugá dia 6 di december proximo. Señor Erwin Lopez, miho conoci como Wino, ta esposo y tata di tres yiu. Señor Lopez ta bin di un famia di educadornan, yiu di juffrouw Mani Lopez, kende a inculca den Erwin e pasion pa enseñansa ya

for di tempo cu e tawata chikito. Señor Lopez ta maestro di scol y pa e ultimo añanan a fungi como director di scol.

Señor Lopez ta motiva pa sigui aporta na Aruba riba e tereno di enseñansa, e biaha aki den politica pa traha pa mas mehoracion ainda den enseñansa cu nos a conoce e ultimo 3 año di gobernacion di Gabinete Wever-Croes. Minister Endy Croes como e

mandatario di enseñansa, cu determinacion pa cumpli cu su vision pa enseñansa, a logra cosnan grandi, y cu profesionalnan den enseñansa manera señor Lopez, lo logra hopi mas den e proximo gobernacion di MEP.

“Mi ta uni mi mes na e movicion di MEP pasobra MEP ta pone enseñansa move den direccion na

unda tur mucha y hoben ta haya oportunidad pa sigui studia. Mi pasion semper ta y lo keda enseñansa y mi kier uni na e ekipo cu ta traha duro den tempo bon y tempo menos bon, ta yega na solucionnan concreto pa Aruba, sigui innova den enseñansa, sigui apoya nos maestronan, y ta sigui inverti den nos scolnan. Como educador, mi a yuda hopi alumno den mi

tempo y awo ta momento pa mi sigui aporta pero pa henter ARUBA”, señor Lopez a expresa durante su lansamento como candidato nobo riba e lista victorioso di e prestigioso Partido MEP.

Den nomber di Partido MEP, Lider di MEP, Evelyn Wever-Croes ta yama bon bini na Señor Erwin Lopez den e gran famia di MEP.

MINISTER ENDY CROES A HACI ENTREGA DI E PROME MICRO CERTIFICATE PROGRAM IN SPORT & EVENT MANAGEMENT NA UNIVERSIDAD DI ARUBA

Pabien na tur 22 participante cu nan logro!

Diahuebs ultimo, Minister Endy Croes a acudi na e ceremonia di otorgamento di e Micro Certificate Program in Sport & Event Management na 22 persona a completa e programa aki cu exito. E participantenan por yuda e federacionnan deportivo organisa diferente proyecto di turismo deportivo (sport tourism) aki na Aruba. E proyecto a inicia na maart y termina den luna di september.

Manera ta conoci, den luna di november di aña 2023, Minister Endy Croes a firma un acuerdo cu University of South Carolina pa brinda dies persona di Aruba e oportunidad di sigui un estudio di Sport and Event Management. E tabata un deseo y vision di Minister Endy Croes pa organisa un estudio riba nivel di Master di Sport and Event Management pa asina

brinda comunidad e oportunidad pa organisa evento deportivo riba un nivel y standard internacional. Esaki sigur lo contribui den futuro na e vision di turismo deportivo. E cinco tayernan a consisti di:

1. Managing Part-Time Volunteers and Employees (maneho di boluntario y empleado "part-time").
2. The Business of Sport (Management and Organization) / e negoshi di deporte (maneho y organisacion).
3. Introduction to Event and Venue Management (maneho di facilidad y evento).
4. Sport and Event Marketing (mercadeo di deporte y evento).
5. The Finance of Sport Event Management (maneho di financiamiento di deporte y evento).

E principio y practica cu a



cubri den e sesionnan a ekipa e participantenan cu e hermentnan necesario pa planea, organisa, mercadea, crea fondo y opera evento deportivo na Aruba. Palabra di pabien na tur cu a finalisa e curso aki cu exito. Alabes e mandatario di Enseñansa

ta gradici University of South Carolina, Universidad di Aruba, Sra. Sue -Ann Lee y Sra. Jo-Anne Croes cu a trek e bunita proyecto aki. Por ultimo, Minister Endy Croes a inidica cu Sport & Event Management ta continua den aña 2025.

Prome Minister Evelyn Wever-Croes:

Invitacion na tur docente di 3e klas

“MI MASCOTA TA MI RESPONSABILIDAD”

- Den e material di educacion cu a wordo lansa recientemente, tin un oportunidad unico pa tur 3e klas di scol basico na Aruba; un les cu yama “Dierendiploma” (groep 5 les 13). E les ta trata un pakete digital pa alumnonan den groep 5, na Aruba 3e klas.

E pakete a wordo diseña door di ‘Stichting Met Dieren Meer Mens’ na Hulanda y a wordo poni na disponibilidad di e docentenan na Aruba tambe a traves di e les mas ariba menciona. E pakete ta trata e responsabilidad di tin un mascota

y ta consisti di un parti teoretico cual lo por wordo amplia cu un parti practico cu ta e parti opcional.

Prome Minister Evelyn Wever-Croes ta extende un invitacion na tur docente di 3e klas, mirando cu actualmente Hulanda tin un campaña caminda nan ta busca e scol di cual e alumno lo haya e di 800.000 DierenDiploma, y ya cu Hulanda a manda puntra si Aruba tambe lo participa na e campaña, mester haci uzo di e oportunidad.

Na caminda pa e dia mundial di



bestia, y cu e lespakket interactivo, e fundacion ta pidi atencion pa

doño responsabel di mascota. Participacion ta facil. E docente mester indica via email cu su klas ta participa y mester haci e lesnan obtenibel via e website durante e luna di october. Mas tarda dia 1 di november lo haya sa si e klas tin e ganado/ganadora.

“Lo ta hopi great si e di 800.000 DierenDiploma wordo gana aki na Aruba mes, y mi kier curasha tur docente di 3e klas pa haci uzo di e pakete, y ful e material di educacion en general”, Prome Minister a expresa.

Prome Minister Evelyn Wever-Croes:

Aruba ta conoce su prome defensor di pueblo

SEÑORA JURIMA BRYSON A HURAMENTA COMO E PROME OMBUDSMAN DI PAIS ARUBA



Poppel den Parlamento e tempo ey como miembro di Fraccion di MEP, a cuminsa cu e iniciativa pa bin cu un ombudsman, pero desafortunadamente no a logra keda cla cu e ley. Na aña 2009, Prome Minister, e tempo ey den oposicion, a tuma e ley aki over pa asina continua cu ne, pero lamentablemente no a ricibi sosten di e Gobierno e tempo ey di Gabinete Eman.

Gabinete Wever-Croes a cumpli

Pa cu e siguiente eleccion, partido MEP, a pone ombudsman como un compromiso di campaña, y manera Gabinete Wever-Croes a sinta na 2017, a cuminsa traha riba e legislacion y organisacion di e ley aki, cu a ricibi e sosten di mayoria den Parlamento, aprobando asina e ley di ombudsman. Sinembargo, pa ancr'e den e constitucion no a logra conta cu e mayoria di voto pasobra oposicion a vota contra. Akinan a bolbe cambia e ley di ombudsman pa por haci tur cos operacional y pa despues vota pa nombracion di señora Jurima Bryson como ombudsman.

Prome Minister a expresa cu e dia aki ta extra special, paso por a tuma nota den un reunion solemn di Parlamento, caminda señora Bryson a huramenta como ombudsman, cu tur esnan cu a sostene su nombracion y e leynan pa cu esaki, a duna mensahenan sumamente bunita y conmovedor.

Gradicimento na tur esnan cu a haci esaki posibel



Prome Minister ta gradici fraccion di MEP den Parlamento, specialmente señor Edgard Vrolijk pa trek esaki di un forma hopi diligente y profesional, y pa a sa di guia e proceso pa awe nos ta asina leu. Tambe el a gradici señora Sahaira Kelly cu tabata "kwartiermaker" cu tabata encarga pa set up ful e oficina di e ombudsman y pa trek e proyecto. Danki na su diplomacia, conocimiento, esfuerso y dedicacion, nos ta asina leu awe.

Esnan cu a vota contra, awe ta mira cu esaki ta e miho decision pa Aruba

Importante tambe ta pa mira ken ta tur esnan cu a opone na señora Bryson su nombracion y pa cu e ley di ombudsman. Aki ta referi na señor Mike Eman, señora Marisol Lopez-Tromp, señora Gerlien Croes, y señor Miguel Mansur cu a vota contra e nombracion di señora Bryson y contra e leynan pa cu e ombudsman. Mester bisa si cu awe nan ta mira cu esaki ta e miho decision pa Aruba, dunando no solamente pabien sino tambe sosten na e ombudsman. E ta momento cu henter Parlamento a uni den sostene e instituto importante di ombudsman, cu ta e

defensor di pueblo.

Beneficio di ombudsman pa comunidad

Awor cu Aruba tin su ombudsman, abo como ciudadano por bati na porta di e ombudsman si bo ta sinti cu bo ta hayando un trato inhusto of si bo ta sinti cu bo no ta wordo trata igual. Tambe den caso di discriminacion of si ta wordo trata sin respet pa algo cu bo persona tin derecho riba dje.

Ombudsman tey pa defende e pueblo. Unabes un persona entrega un keho, lo cuminsa un investigacion, lo traha un conseho y lo mand'e pa Gobierno cu lo sigui e proceso segun e conseho di e ombudsman.

"Aruba ta e ultimo pais den Reino pa haya su ombudsman, p'esey awe mi ta asina contento. Mi kier a felicita señora Jurima Bryson, cu mi conoce como un bon abogado, cu conoce su leynan y cu ta un persona firme, pero cu empatia y un curason grandi. Nos a wak'e den compania di su famia awe riba e dia special aki. Mi ta desea tanto Jurima como su famia hopi sabiduria, pasenshi y exito den e trabou importante aki", Prome Minister a expresa.

Diamars 1 di october 2024, Aruba ta conoce su prome defensor di pueblo den nomber di señora Jurima Bryson. Prome Minister Evelyn Wever-Croes remarca cu e dia aki ta un dia historico pa pais Aruba, mirando cu pa hopi aña, Fraccion di Movimiento Electoral di Pueblo (MEP) den Parlamento a cuminsa e proceso pa Aruba por haya su prome ombudsman.

E trayecto pa cu e ombudsman a cuminsa na 1997

Prome Minister a indica cu e trayecto pa cu un ombudsman a cuminsa na aña 1997, na momento cu señora Zulay van

MINISTER MADURO A REUNI CU E EKIPO DI IMF DEN PREPARACION DI E 'ARTICLE IV EVALUATION' DI ARUBA

Den aña 2025 Aruba su situacion financiero y economico lo wordo evalua pa IMF

Minister Maduro di Finansa a habri siman cu un reunion cu e ekipo di IMF kendenan ta prepara nan mes pa e 'Article IV visit' di Aruba cu lo tuma luga den aña 2025. Durante e bishita eyan IMF lo evalua Aruba su situacion financiero y economico, y lo raporta esaki den un raport cu ta publico.

Cada dos aña IMF ta haci un 'Article IV evaluation' di Aruba. Ultimo biaha tabata na aña 2023 y IMF a publica un raport positivo pa Aruba. IMF ta constata cu Aruba a recupera grandemente despues di e pandemia y ta mira e disciplina financiero aplica cu ta re-

sulta den presupuestonan cu surplus pa Aruba cu ta brinda espacio financiero pa inversion y tambe pa baha e debe di Pais Aruba.

Durante e reunion Minister Maduro a duna un bista con Aruba ta para financieramente na e momentonan aki y kico tur ta e trabounan cu ta wordo haci pa mehora e maneho financiero di nos Pais.

E mandatario a splica, entre otro, di e trabounan cu ta wordo haci den cuadro di e Landspakket pa mehora e maneho financiero di Pais Aruba. Proyectonan manera 'verslaggevingsstelsel' y 3 lines of defense' lo trece



mehoracion grandi den administracion financiero, presentacion di presupuesto y lo yuda cera e ciclo presupuestario cu cuentanan anual cu por wordo contro-

la y certifica pa un accountant externo.

Den e siman nos dilanti e ekipo di IMF lo reuni cu diferente instancia na

Aruba pa asina por informan nan mes y compila e informacion necesario pa asina otro aña na april nan por haci nan 'Article IV evaluation of Aruba.'

MINISTER MADURO TA FELICITA SR. SALOMON Y SRA. BEATRIZ BOEKHOUDT CU NAN 65 ANIVERSARIO DI MATRIMONIO



Diasabra Minister Maduro di Cultura tabata presente na e celebracion di e 65 aniversario di matrimonio di sr. Salomon (Chomon) y sra. Beatriz (Bea) Boekhoudt. Pa e bunita ocasion aki Minister Maduro a brinda un felicitacion special den nomber di Gobierno di Aruba na e pareha Boekhoudt den presencia di nan yuinan y nietonan. "Den e bida aki hopi di nos no ta yega 65 aña di edad y ora logra cumpli 65 aña hunto den e boto matrimonial, esey ta algo hopi bunita, excepcional y ta di balora. Ta un union cu ta ehempel y inspiracion pa otro den nos comunidad," tabata palabranan cu cual Minister Maduro a entrega un bunita recuerdo na e pareha pa keda recorda e aniversario asina special aki. Tabata masha bunita pa mira e pareha haci un show di baile hunto cu nan yuinan y nietonan cu a culmina cu



un sunchi pa expresa nan amor eterno na otro. Minister Maduro un biaha mas kier felicita sra. Bea y sr. Chomon pa nan 65 ani-

versario di matrimonio y ta gradici pa e invitacion pa comparti un rato ameno den ceno familiar y rondona pa bon amistad.



Dennerich Kelly di Tanki Flip awo riba lista di AVP



Diasabra anochi tabata reina un ambiente masha agradabel na cas di Danny y Miriam Kelly na Tanki Flip. Nan a habri porta pa ricibi un cantidad grandi di famia, bisiña, colega y amigo di nan yiu Dennerich pa comparti un momento importante den su vida: su lansamento oficial como candidato di Partido di Pueblo Arubano, AVP. Den transcurso di e encuentro a hiba palabra varios persona hopi special pa Dennerich. Ta referi aki na Pastor Frank Daal di Good Samaritan Cristian Center kende a elabora ampliamente riba e cualidadnan cu ta haci di Dennerich un bon sirbido di pueblo, manera su fe den Dios, amor pa prohimo y pa su isla. Ademá di pastoor Daal un colega di a accentua e boluntad firme pa traha a base di norma, balor y prin-

cialmente moralidad.

Colega y ex-coleganan di Hospital y IMSAN, cu kendenan te awendia ta un amistad fuerte, tambe a sa di felicita Dennerich pa e curashi di su decision di lucha pa Aruba, deseando e hopi exito y ofreciendo nan sosten.

Famia tambe sigur a hunga un papel principal den su decision y esaki a keda expresa personalmente, pero tambe a traves di un carta emotivo. Su mayornan y su ruman ta conta con e trayectoria di Dennerich su preparacion ta uno cu tin decadanan largo mirando cu desde edad hoen caba politica tabata ocupa un luga den su curason y mente.

Prome cu a conclui e anochi, Dennerich Kelly mes a hiba palabra afirmando su compromiso di traha duro pa brinda Aruba un futuro



cu mayor prosperidad comparti, siguiendo e fundeshi di e ideologia cristian democrata y na favor di e bon comun. E ta sintie hopi inspira e cana e caminda di e proximo dos luna su dilanti pa alcanza un victoria pa e pueblo.

Dennerich su enfoce lo ta e sector di cuido medico. E tin hopi anja laborando den e sector aki y su curason ta pa en particular lucha pa e sector di salud publico ta

uno di excelencia.

El a yama su awo coleganan candidato dilanti, hunto cu lider di partido Mike Eman, kende a gradici Dennerich pa su confiansa den e partido berde.

Eman ta convenci cu e conocimiento, pero mas ainda, e dedicacion cu Kelly ta sinti pa hiba Aruba dilanti, lo ta visibel den tur stap cu e tuma cu e sosten di su partido. Y di e manera ey a duna Dennerich Kelly un bon bini oficial den AVP.



Parlamentario Edgard Vrolijk:

HURAMENTACION DI NOS OMBUDSMAN TA MUESTRA DI NOS COMPROMISO CU PUEBLO



pendiente cu ta brinda su conseho obhetivo y asina percura pa gobiernonan traha abase di integridad y bon gobernacion. Mi no por keda sin menciona e introduccion di leyman pa combati corrupcion structural y pa percura pa e integridad di nos gobernantenan. Un area clave den e lucha aki pa integridad ta e ley di financiamiento di partidonan politico. Sin claridad y transparencia den e aspectonan aki, un democracia no por florece. Ademas, nos no por lubida e ley di screening di ministernan, un proceso cu mester asegura cu e personanan cu tin e responsabilidadnan mas halto den gobierno ta

wordo evalua den manera estricto pa nan integridad y compromiso pa cu nos pueblo. E introduccion di Ombudsman ta un instrumento mas pa reenforza e sistema di control. E rol di ombudsman ta uno di liderazgo y imparcialidad, unda elo ta e defensor di nos pueblo, e bos pa esnan cu ta busca husticia, y un protector di integridad di gobierno.

Awe tawata un dia di gran importancia pa nos democracia y derecho di estado: e huramentacion di e prome Ombudsman di Aruba. E Ombudsman tin un rol esencial den nos esfuerzo pa sigura cu gobiernonan y tur instancianan publico mantene nan compromiso cu transparencia, responsabilidad, y integridad.

Nos mester recorda c'un democracia fuerte ta basa riba respet pa derecho di estado. E institucion di Ombudsman t'un refuerso directo pa esaki, pa vigila cu e gobiernonan y instancianan público ta sigui actua na manera husto y transparente. E Ombudsman lo ta un pilar crucial den e lucha pa combati corrupcion y pa defende nos institucionnan y gobierno contra influencianan dañino.

Aruba tambe a sa di tuma pasonan crucial pa reenforza e sistema di control. Nos por pensa riba por ehempel Algemene Rekenkamer Aruba, cual su tareanan ta pa supervisa e cifranan di pais Aruba y asina nos por mantene un wowo critico riba con fondo público ta wordo usa. Tambe riba Raad van Advies cu ta un instituto inde-

Na prome lugar mi kier extende mi gradicimento profundo na Sra. Shahaira Kelly, pa su esfuerzo incansabel como kwartiermaker cu a haci cu awe nos por a culmina den e bunita ceremonia di awe. Aunke e caminda tabata uno demotivante y na algun momento tawata muestra hopi scur, nos a logra! Sra. Kelly awe bo persona ta parti di e logro historico aki pa Aruba. Sin bo persona, esaki hamas lo por tabata posibel.

Tambe mi kier duna mi agradecimiento na mi coleganan di fraccion di MEP pa nan sosten continuo, y sigur na mi famia, cu semper a duna mi espacio pa dedica mi tempo y energia na e proyecto aki. Ademas, un danki na e comision cu a traha riba e werving di nos promer Ombudsman cu ta sr. Maurits de

Kort, sr. David Kock y sra. Xiomara Croes- Williams. Boso tabata encarga cu un tarea cu no tabata facil y nos cu a traha hunto sa esey. Finalmente y sigur no menos importante, mi ta gradici nos Griffier di Parlamento sr. Herman Hek. Sin sr. Hek su esfuerso nada di esaki tabata posibel y no obstante tur obstaculo cu a ser poni bo dilanti, Dios semper ta husto y hunto cu hopi dedicacion nos a logra cu awe Ombudsman ta un realidad.

Pabien di curason na Sra. Jurima Bryson, cu awe a huramenta como e prome Ombudsman di Aruba. Cu Dios iluminabo y yuda bo den e tarea desafiante cu bo tin bo dilanti, pa bo por trece husticia y ta e bos pa esunnan cu mester di dje. Sra. Bryson, manera tur reto den bida,

den esaki tambe bo lo haya obstaculon den bo caminda, pero mi ta sigur cu perseverancia y bon boluntad, bo lo logra supera tur reto cu lo bin den bo caminda. Mi kier felicita tambe famianan, cu sin duda lo ta un pilar di sosten pa bo den e trabou importante aki. Ta un momentu di orguyo no solamente pa bo, pero pa tur bo sernan keru y pa Aruba como un pais.

Mi ta termina bisando cu democracia di Aruba awe ta di fiesta y sigur awe historia a ser skirbi cu despues di 27 aña Aruba tin su prome Ombudsman den man di un yiu di tera profesional cu ta goza di mi confianza total.

Pabien Aruba y biba nos democracia!

ENCUESTA NACIONAL TRAFICO SIGUR

BO CONTRIBUCION
POR YUDA HACI TRAFICO
MAS SIGUR

TUR CU PARTICIPA POR
GANA PREMIO ATRACTIVO

- 1** 1 AÑA SEGURO DI AUTO
- 2** 1 AÑA NUMBER DI AUTO
- 3** BON DI GASOLINE/DIESEL
NA BALOR DI AWG. 250,-

SCAN E QR CODE
PA PARTICIPA

Minister Rocco Tjon:

PRONTO E CONSTRUCCION DI E WARDA DI POLIS NOBO PA E EKIPO DI STRAND POLITIE LO INICIA



erpo Policial tambe por tin nan aporte den loke ta e diseño di e warda di polis nobo aki.

Pues un proceso hopi constructivo caminda a tene cuenta cu e peticionnan di e miembronan di Cuerpo Policial cu ta ubica akinan.

Durante e reunion, a dicidi cu e fecha pa pone e prome piedra, lo bay bira dia 12 di oktober. E construccion lo tin un duracion di entre seis pa ocho luna caminda e warda di polis lo keda cla.

Banda di esaki e proyecto aki ta ensera tambe, e construccion di un parke patras di unda e warda di



Polis aki lo wordo ubica. E parke aki lo tin su impacto pa nos turismo, sin mas, e ta un parke publico pa nos comunidad, cual lo tin un impacto social positivo.

E mandatario a expresa cu e ta satisfecho cu e puntonan cu a wordo discuti durante e reunion aki, a

tene cuenta cu dos punto di preocupacion di parti di Cuerpo Policial, cu tambe a garantisar pa durante e periodo di construccion, lo tene cuenta cu e partinan aki. Tambe, lo tin un punto di contacto directo entre Cuerpo Policial y e desaroyadornan di e warda nobo di Polis.

ORANJESTAD - Recientemente, Minister di Husticia y Asuntonan Social sr. Rocco Tjon, a reuni cu e representantenan pa loke ta e construccion di e hotel St. Regis, hunto cu nan representantenan local, como tambe sindicato di Polis.

Manera ta conoci na momento cu a scoge cu e hotel aki lo wordo construi, a tene cuenta tambe cu e departamento hudicial cu ta situa akinan, esta Strand Politie.

A trata di un proceso largo, caminda a percura pa Cu-

Bira Miembro di Botica di Servicio y Participa pa Gana! Botica di Servicio tey bek den e luna di october!

Manera tur aña, tur pashent tin e oportunidad di haci cambio di botica 2 bes pa aña, e cual ta tuma lugar den april y den october. Durante e luna aki, tur pashent por haci cambio di botica y Botica di Servicio ta ricibi tur su miembronan nobo cu un detaye y e chens di par-

ticipa den diferente premionan, incluyendo un trip pa Colombia pa dos persona, un television di 65-inch, 20.000 punto di Fun Miles y mas! Durante varios añanan, Botica di Servicio ta mantene e meta principal di brinda e comunidad di Aruba servicio excepcional den e area di

salud. Pesey, tur miembro di Botica di Servicio por probecha di e diferente beneficiacion cu tin:

1. Tur miembro di Botica di Servicio ta ricibi 10% di descuento riba cada compra of 8 biaha e cantidad di puntonan di FunMiles.
2. Ricibi un e-mail ora bo receta ta cla pa bin busca na botica.
3. E facilidad di pasa na cualkier di nan 4 localidadnan rond di Aruba pa busca bo receta.
4. Un team profesional y servicial cu ta cla pa asisti den e necesidadnan di tur cliente.
5. E unico botica cu ta certifica HKZ na Aruba.
6. Servicionan manera PillPak (solamente pa miembronan cu ta cualifica, basa riba edad y tipo medicamento cu ta tuma).

Pasa na cualkier di e cuatro localidadnan di Botica di Servicio y laga e personal

yudabo pa haci e cambio prome cu 31 di october y ricibi un regalo como muestra di aprecio y ademas di esaki, participa pa gana un di nan gran sorteo di premionan. Tambe por haci e cambio via e AZV app of bishita e web-

site www.boticadiservicio.com y yena e formulario online. Haci e cambio prome cu 31 di october pa asina disfruta di tur loke Botica di Servicio ta ofrece!

Bira un miembro di Botica di Servicio

Ricibi! Cada miembro nobo ta ricibi un Gift Certificate di AWG. 30.-

Gana! Cada miembro, nobo y existente, ta participa pa un chens di gana un di e premionan aki:

- Colombia trip pa 2
- TV 65-inch
- Spa day pa 2
- Keto-package di NOW
- 20.000 Fun Miles

www.boticadiservicio.com

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 01 Oct 2024 Merdia

 Sorteo # 4405 2451 2712 1478 x2 BIG 4 Sorteo # 4405 9441 5x OFF Sorteo # 2461 3185 ZODIAC Sorteo # 4405 6474 Capricorn LUCKY 3 Sorteo # 1279 421 2x	 Sorteo # 0 x Jackpot 0 x Match 4+ 0 x Match 4 0 x Afl. 12,00 150.000,-	 Sorteo # 5510 0 x Jackpot 0 x Match 4 0 x Afl. 8,00 97.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 310.000,- Afl. 410.000,-	 Sorteo #
--	--	---	--	------------------

Fit & Fun Vakantiekamp



Fit & Fun vakantie Camp ta bay ta algo diferente y cu un meta social. Un Camp yena cu ambiente y energia positivo y cu actividadnan unico. E hoben por siña con pa skohe su propio style di biba na un manera saludabel y fit.

Hoben bo ta cla pa un all inclusive Camp?! Deporte, charla, musica, pool day, retonan specialmente deseña pa bo descubri bo potencial mientras bo ta having fun! Ta inclui tur material, snacks, juice, fruta parti mainta y un Lunch saludabel.

No laga e oportunidad aki pasa bay di disfruta cu friends den un dushi ambiente den e vakantie aki. Inscribi awe mes pa asegura bo lugar!

Fecha: 07 pa 11 di october 2024
Edad: 11 - 16 aña
Orario: 8:00 am – 13:00 pm
Lugar: Fundacion Centro F. Piedra Plat

Pa mas informacion por yama of whatsapp 699-5545 / 858-5544 E-mail: centrofamiapp@gmail.com Piedra Plat # 50





OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierne | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

SUDOKU

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

Rodymar Geerman na Wendrick Cicilia:

“Si no sa, miho no papia!”

PARTIDO MEP LO SIGUI TRAHA PA ENGRANDECE DEPORTE Y STIMULA E MOVECION PA UN COMUNIDAD CU MENTE Y CURPA SANO



ORANJESTAD - Rodymar Geerman, candidato hoben di Partido MEP ta remarca cu ultimamente tin cierto aspirante politico cu e solo meta pa crea sensacion y gana voto den e proximo eleccion, ta duna informacion falso na e comunidad di Aruba. Rodymar ta conseha Wendrick Cicilia di AVP cu si e kier critica e maneho di deporte di Gabinete Wever-Croes I y II, lo ta miho pa e informa y educa su mes miho den e area

di deporte, prome cu lansa mentiranan.

Durante gobernacion di Gabinete Wever-Croes II mester enfatisa cu a finalisa varios proyecto grandi pa cu deporte. Renobacion y/of inversion den luz, yerba y otro materialnan di deporte cu tin su costo cu ne pa por ta duradero y cu un bon acabada di e proyecto.

Veld UNDESA
Por ehempel, prome cu

haci speculation y plama informacion falso den comunidad, bisando cu Gabinete Wever-Croes I y II no a drecha e veld di UNDESA, Wendrick Cicilia por a tuma e tempo pa busca miho informacion cerca esnan indica y lo a wordo informa cu e veld di UNDESA ta inactivo pa casi un decada.

Stadion Guillermo Prospero Trinidad

Pabou di brug e proyecto di mas grandi cu ta casi finalisa ta e renobacion di Stadion Guillermo Prospero Trinidad, un facilidad pa weganan local y internacional. Hasta weganan clasificatorio di CONCACAF por tuma luga awo na Aruba danki na e renobacion di e stadion y sin lubida e pista di track & field nobo.

BMX Jaburibari

E deporte di BMX tambe ta goza cu iluminacion nobo den e barrio di Jaburibari unda awo hobennan por practica e deporte di BMX despues cu solo baha.

Proyectonan finalisa Pariba di Brug

Pariba di brug, e veld di Madushi a haya luz LED y verf, mescos cu e veld di Brazil cu tambe a haya luz. Basketball court na San Nicolas village a wordo full renoba pa e barrio por disfruta di e cancha. Palo Margot a haya full un pista nobo cu lusnan LED y scoring-board pa e deporte di drag por a lanta bek riba pia.

Rodymar Geerman:

“Ta bon pa menciona tambe cu Gabinete Wever-Croes I y II durante e ultimo añan-



an a yuda hopi club y organisacionnan di deporte y/of atleta individual pa nan por representa Aruba y/of cu training den exterior. Tin hopi mas proyecto den pipeline y lo wordo realisa segun necesidad y e budget

anual. “Awo T’e Ora!”, cu e sosten di e pueblo di Aruba dia 6 di december proximo, partido MEP lo sigui traha pa engrandece deporte na Aruba y asina stimula e movecion pa un comunidad cu mente y curpa sano.

Clasificados



SOLODIPUEBLO@GMAIL.COM
CEL. 585 9500






Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554



ORACION DI DIA

Un feliz dia yena di bendicion y colma cu
hopi fe y confiansa den nos Bon Dios

El a bisa nan:..... ”Pakico boso tin tanto miedo
asina? Ainda boso no
tin fe?” (Marco 4, 40)

Confiansa. Un palabra cu nos conoce bon. For di
chikito nos a siña confia nos mayornan. Sin pensa,
di biaha nos ta kere nan, pasobra nos sa cu nan
ta stima y cuida nos. Segun cu tempo pasa, nos ta
crece y ta topa hende den nos caminda di bida cu
kisas a defrauda nos. Nos ta cuminsa duda den e
sinceridad di hende. Y perde confiansa y speransa
den Dios. Tambe nos tin miedo di faya y miedo cu
otro hende ta faya nos. E disciplinan a duda, nan
tambe a haya miedo y a perde speransa.
Nan no sa di e poder todopoderoso di nan Maestro
Hesus. Nan no conoce ainda. ...: ”Ta ken e homber
aki ta? Hasta biento y lama ta tende di
djE’(Marco 4, 41) nan a bisa. Nos tambe por scapa
di un tormenta o un turbulencia den nos bida. Scu-
cha Su Bos severo cu ta papia den nos curason, pa
nos confia den djE, E Yiu di Tata.

Oracion: Señor Hesus, haci mi Fe mas grandi. Yuda
mi. Proteha mi. Duna mi forza pa enfrenta tur
problema cu un calma, paden den mi ser.
Den e nomber prestigioso di Hesus di Nazaret.
Amen.

DUSHI A LANSA SU TRAHE, SU BANDA Y DJ NOBO PA CARNAVAL 71

Dabierna 27 di september
na Joanne’s Crioyo Bar,
DCG a lansa su tema y
trahe pa Carnaval 71 cu su
thema Dance in Paradise”
Pero esey no tabata tur.
Loke ta DURO Entertain-
ment y TDrick a pone un
ambiente carnavalesco cu a
hinca tur hende den un am-
biente fenomenal. Esaki sin
conta e impacto cu e tra-
henan colorido di Dushi a
causa e anochi aki. E com-
binacion di color ta locual
cu semper a sa di distingui
e grupo aki.

DCG a lansa su mes den
gran forma cu e dushi vibe
cu DUSHI su participan-
tenan so tin.

Pa esunnan cu ainda kier
forma parti di DCG den
C71, por tuma contacto cu
e team na telefon 5927970
of pasa na nos oficina na
Santa Cruz 74 cu ta habri
tur diasabra di 2’or pa 6’or
di atardi.

DCG lo participa den tur
parada cu nan tema Dance
in Paradise. Corda cu pa
DCG calidad y servicio ta
primordial pues cuponan
ta limita.

Participacion den FAKKEL
ta na un prijs special den
pre benta AWG 100, cu ta
includi shirt, gadgets y full
open bar.

